

NIMATANEEL RE RI NIMTINAMIT PAXIIL
CH'UTA Q'ATOL TZIIJ RAJALIB'AL 12 - 2020

Paxil, 23 re ri uwaqaaq iik' re wa junaab' 2020.

RI NIMATANEEL RE RI NIMTINAMIT PAXIIL

XA RUMA K'UWA'

Ri Nimataqaneel re Nimatinamit Paxiil chikixo'l ri Motza'j e ajuwach chaak xujikib'a' wa Ch'uta Q'atol Tziiij rajilib'al 5 – 2020, 6-2020, 7-2020 jay 8 – 2020, xjunimaxik jay uyijib'axik chupa ri Ch'uta q'atol tziiij 8 – 2020, 9-2020, 21- 2020 jay 22-2020 ke ri Nimataq'nelaab' re Nimatinamit wara xjikib'ax wi ri Nimatinamit Paxiil xtzaq chupa ri nimak'axk'oliil chwa ri nimayab'iil chwa ronoje taq tinamit re Paxiil e ruma ri xub'i'ij ri Mutza'j re ronoje tinamit chwa juyub' taq'aaj e iloneel re ri utziil k'asleem tikaweex e ruma ri ukichib'al ri nimayab'iil u'anoom ri q'aaq' teew ojob' COVID -19, pa xkuyutaj wi ri jun aneem riliik k'axk'oliil re utziil chomaal k'asleem jay ri kojjob'al tziiij ya'oom che ronoje tinamit chwach uleew jay chwa ri tinamit Paxil, ri xtzlex uwach ruuk' ri nuk'uj chaak re kaq'atex uwach yey re kachakux uwach ri k'o q'aaq' teew ojob' chike (COVID-19) chwa ri Nimatinamit Paxil re ri Nimajaa re Kunanik jay Tob'eel uwa Komoon Tikaweex.

XA RUMA K'UWA':

Chupa wa q'ijool, jay taq ri uk'ulumaaam loq, katajin uk'ulumaxik jay ri ukichib'al wa yab'iil q'aaq' teew ojob' ub'i' ri COVID-19, katajin uk'iyarik chupa ri tinamit Paxil, jay ruma k'uwa' ri k'o chupa ri wuuj Jikib'aam re q'atab'al tziiij jay re ri Jaa re Kunanik, lik chi rajawaxik che ri mutza'j re ri taq jaa k'olib'al re kunanik jay ri jujun taq chik mutza'j jay ri komoon chi nima ronoje chi kiya'a ri to'oob' pacha ri kub'i'ij ri q'atoom tziiij re ronoje tinamit re uwach uleew jay pa ri nimatinamit che ri b'i'iim re kaq'atex uwach jay ri ukunaxiik re pacha' kanimataj taj kaq'atex uwach ri uq'axiik ri ya'b'iil.

XA RUMA K'UWA':

Ruma ri tz'ib'ax loq pa nab'e taan chupa wa wuuj re xex wi jay ri nimajaa re kunanik xub'i'ij jay xujikib'a' xunuk' pasaqiil, ri nima k'axk'olaal ya'b'iil katajin chupa ri komoon tinamit, chi rajawaxik k'olana ri u'anoom loq pacha' ri jikib'aam, jela' utz ri Nimatinamit kuk'amo ri taqooj re karil ri utziil wachaaj, utziil k'asleem re tikaweex jay ruma k'ula' chi rajawaxik kanajitajir uwach ma ri kojom kak'is kan chupa ri q'iiij (juq'iiij)jueves che ri uka'm q'iiij re ri uwuq iik' re wa junaab'.

RUMA K'URI':

Chwi ri uchakuxik k'uwa' kuya' ub'eyaal pa ri ch'uta le'a'j 1º, 2º, 93, 94, 95, 138, 139, 182 jay 183 kuk'utub'eej ri e) jay f), chupa ri Ajaaw Wuuj Q'atab'al Tziiij re ri Komoon Tinamit Paxil; 6, 7, 16, 17, 30, 36, 39, 40, 47, k'o che ri Ch'uta Q'atol Tziiij rajalib'al 114-97 re ri Nimataqanelaab' pa ri Nimatinamit, Q'atab'al tziiij re ri Nimataqanelaab'; jay 1, 2, 14, jay 15 che ri ch'uta q'atol tziiij rajilib'al 7 re ri molob'al iib' nuk'uum re ri Nimatinamit Paxiil, Q'atol Tziiij re utziil k'oleem komoon tikaweex jay 58, 60, 76 re ri wuuj q'atab'al tziiij re Nimajaa re kunanik.

RI MOTZA'J EB'AJUWACH

KUQ'AT UWACH:

Ch'utale'a'j 1. Najatirisanem uwach. Kanajatir pa lajuj re kawinaq chi q'iij re ujikib'axiik wa nimak'axk'ool yab'iil chwa komoon tikaweex, k'o chupa ri Ch'uta Q'atol Tzii 5 – 2020 chupa ri wo'ob' q'iij che ri oxib' iik' re ri junaab' 2020, junimaam lo uwach ruuk' ri Ch'uta Q'atol tzii rajlib'al 8 – 2020 ke ri Nimataqanelaab' re pa ri Nimatinamit, jalk'atiim chupa ri Ch'uta Q'atol tzii rajlib'al 6-2020 che ri jun re kawinaq q'iij re ri uroox iik' che wa junaab' 2020 jay wa' xjalk'atixik che ri Ch'uta Q'atol Tzii rajlib'al 7–2020 ukab'ichal junimaam che ri Ch'uta Q'atol Tzii rajlib'al 9-2020 ke ri nimataqanelaab' re ri Nimatinamit jay xmayin uwach chupa ri Q'atol Tzii re Nimataqaneel rajlib'al 8-2020 che juwinaq q'iij che ri ukaaj iik' re 2020 jikib'aam chupa ri Ch'uta Q'atol tzii 21-2020 ke ri Nimataqanelab' re Nimatinamit jay xmayin uwach chupa ri ch'uta q'atol tzii rajlib'al. 9-2020 chupa ri rajlib'al q'iij 24 re ri uroo' iik', jikib'am chupa ri Ch'uta Q'atool Tzii 22-2020 re ri Ajuwach re Nimatinamit,

Ch'utale'a'j 2. Eqeleneem. Xnajatir wa nimak'axk'ool yab'iil chwa komoon tikaweex che ri xax kojoom wi uloj, xkoj tan chi k'uri' ri ch'uta qatool tzii ruma wa kilitaj chupa wa q'ijool xek'iyar ri xq'ax chike ri COVID-19 jay katajin uk'iyarik che ri kik'asleem ri tikaweex jay la' e ri Nimatinamit ch'uquyom re kuchajij ri loq'oxik b'i'im jay chi rajawaxik chi'anoq pasaqil ri josq'inik jay ri chakuneem chwi pwaq re kaq'atex uwach ri k'axk'ool chike ri tikaweex chupa ri Nimatinamit re Paxiil jay kasach uwach ri uq'atisaxik wa yab'iil jay ri k'axk'ool chupa ri Nimatinamit.

Ch'utale'a'j 3. Taq Kunab'al lik iil uwach. Ruma ri utaqeem ri nimatinamit jay re pacha' chajal chike ri komoon tikaweex chwa wa yab'iil, che wa q'ijool na kurokikaj ta chi ri jaa re kunanik, kuq'alisaj ri kunab'al chi rajawaxik, e kuk'aam re ri ub'i' uya'oom ri Mutza'j unuk'uum riib' re chupa ri Ab'ya Yala re ri Nimajaa re Kunanik (OPS EML-ICU-COVID-19), e taq wa':

1. Kunab'al re kunan pamaaj.
2. Kunab'al usib'ol teew kunab'al jay uxlab'ib'al chike ri yawa'iib', ya'oom b'i ri teew pa uwi'.
3. Kunub'al re k'osib'al kiik' re uto'ik ri ub'inik ri kiik' chupa ri ib'och'
4. Kunub'al re qajasab'al ri uk'axk'ool.
5. Sachab'al ri uchikopil yab'iil kojoom b'i ri azitromicina, remdesivir, ivermectina, oseltamivir, jay jujun taq chik kunub'al utz re kuq'at uwach ri yab'iil SARS-CoV-2.

Ri uch'uqeem ri q'alisaam che ri kunab'al k'o yoq' che we ri tikaweex pu mutza'j kakiloq' uk'iyaal pu kakiya' kiib' puwi' ronoje ma ri lik kiyak uwach kiq'iij kakeq'anisaj rajiil ri kunab'al kakiloq' ronoje kich'oboom chik sa' kaki'an che, nakaya'i' ta chike wa' pu juna chik kujunimaj riib' ruuk' wa', jela pacha' juna chik sa'ch ka'anik kuq'ateej uwach ri chaak chupa ri jaa re kunanik ke ri komoon tikaweex pu chupa ri jaa re kunanik na reta nimatinamit junaam uya'ik ronoje,

Ch'atale'a'j 4. Chokonik. Kechok ri Ajuwach re Nimatinamit pacha' pa ri uroox q'iij, kaketa'maj, kakijuch'u, kakijalk'atij pu kakijikib'a' wa Ch'uta q'atool tzii re Nimataqaneel, Ya'oom che kopon chupa ri Jikib'aam Nuk'uuj iib' re Nimatinamit, Tz'ib'aam wuuj re kaya' chi reta'maxik ri anitalik jay ri ub'eyaal k'amoom, chupa iil pa aneem uwach, jela' pacha' ri jikib'aneem chwi wa xnajatir uwach ri k'axk'olaal Yab'iil re Komoon Tikaweex jikib'aam, jela pacha' ri kojoom chupa ri ch'uta le'a'j 32 k'o che ri q'atab'al tzii re Taqooj Komoon Tikaweex.

Ch'utale'a'j 5. Ri uch'a'tab'exiik pa taq ri ch'a'teem re Nimatinamit. Kaya' ri taqooj che ri K'ulb'il Yol Twit Paxil, re k'uq'atisaaj la' pa ch'a'teem Maya', Garifuna yey Xinca che ronoje ri k'o chupa ri taqooj k'o chupa ri Ch'uta Q'atol Tzii re pacha' kakiq'atisaaj jay kakiya' chi reta'maxik che ronoje tinamit re ri Nimatinamit Paxi'l jinta na junoq kaya' kanoq.

Ch'utale'a'j 6. Che uya'iik ureta'maxiik. Kaya' ri taqooj chike konoje taq ri ilib'al jay tayib'al re uya'iik chi reta'maxik re uq'atisaxiik xaq tob' pa utz kata'taj wi pa chike taq ri lik kachapab'exik jay pa taq ri ch'iich' kachapab'exik, chik'owisaxoq na katoj taj che ri jun chik kesax loq, ri ya'oom chupa wajun Ch'uta Q'atool Tzii kojom, xnajtir uwach, xyijib'axik jay wa' kesaxik, jela' pacha' ri ujikib'am ri nimataqaneel chwi wa', pa aneem kojoom, chupa ri ch'a'teem Kaxtila jay Maya', Garifuna jay Xinka echiri' re ri utinamit kuya' chi reta'maxik, junimaam uwach ruuk' ri utinamit pu pa ri kach'ateb'ex wi, chi ta'oq we na x'ani' taj kaya' pa tojob'al maak janipa ri kub'i'ij ri q'atab'al tzii.

Xa ruma ri ukojoom pa ri nimaq'atab'al wuuj re utaqeem ronoje ri ya'oom chi reta'maxik chakuxoq pacha' wa kub'i'ij wa ch'utale'a'j na tojoom taj we na ka'ani' taj kureqaleej jay k'o tojob'al maak che ri jikib'aam loq pa ri q'atab'al tzii.

Ch'utale'a'j 7. Kojol utzii. Wajun Q'atab'al tzii kakoj utzii pa aneem uwach q'iiij jay kaya' chi eta'maxik pa ri "Diario Oficial re Centro América"

YA'OQ CHI RETA'MAXIK.

